

AWIG - AWIG DESA PAKRAMAN TIBEKAUH



DESA PAKRAMAN TIBEKAUH
DESA MELINGGIH KLOD KECAMATAN
PAYANGAN
PEMERINTAHAN KABUPATEN GIANYAR

CECIREN DESA PAKRAMAN TIBEKAUH.

Ceciren (lambang) Desa Pakraman Tibekauh mewangun bucu lima (segi lima), dasarnyane mawarna pelung langit lan tepinyane gadang, ring jeroning gambar madaging pitung soroh, saha mawarna inggih punika :

1. GAMBAR ONGKARA:

Punika simbul Agama Hindu Ninggilang Ida Shanghyang Widhi Waca.
Warnan Ongkara punika selem.

2. GAMBAR PURA/ CANDI BENTAR.

Pepindan Khayangan sane wenten ring Desa Pakraman Tibekauh.

3. GAMBAR SIWA:

Sang meraga Mujangganing Sakala Niskala Desa Pakraman Tibekauh.
Warnan Siwa = Manca warna.

4. TUNJUNG PUTIH:

Mujangganing Desa Pakraman Tibekauh sang meraga putus sakala lan niskala.
Warnan tunjung = putih

5. PADI LAN KAPAS:

Pinaka ceciren jagadhita (kesjahteraan talu), woh padi tigang dasa empat siki, woh kapas ulu siki. Ulu nalar kartosang abad kaping ulu, ring panemaning panargin Ida Maha Resi Markendya ring Munduk Gunung Lebah
Warnan woh padi = kuning , who kapas = Putih

6. GELANG TIGA:

Pinaka ceciren paiketan pawongan lawan Prahyangan, pawongan lawan palemahan medasar antuk sabdha Bhayu lan Idep.
Warnan Gelang Tiga/Rante = bang

7. SELEMPANG (PITA):

Ring jroning selempang (pita) mawarna putih masurat aksara Bali masuara " Eka Citta Dharma ". Mapiteges : Nunggalang pamutus pikayun Ngajegang Dharma. Mapekas ngulati Mokhsartem jagadhita.

P I D A G I N G

MAKA BANTANG AWIG-AWIG DESA PAKRAMAN
TIBEKAUH.
MURDHA CITTA.

	WIDANG
CECIREN DESA PAKRAMAN TIBAKAUH	i
PEDAGING	ii
MURDHA CITTA	1
PRATAMA SARGAH ARAN LAN WEWIDANGAN DESA...	2
DWITYA SARGAH PATITIS LAN PAMIKUKUH	3
TRITYA SARGAH SUKERTAN TATA PAKRAMAN	4
Palet 1 Indik krama	4
Palet 2 Indik Prajuru lan dulu Desa	9
Palet 3 Indik kulkul	11
Palet 4 Indik Paruman	13
Palet 5 Indik Druwen Desa	15
Palet 6 Sukerta pamitegep	17
Kaping 1 Karang tegal lan carik	17
Kaping 2 Pepayonan	18
Kaping 3 Wewangunan	19
Kaping 4 Wewalungan	20
Kaping 5 Bhaya	21
Kaping 6 Penyanggran Banjar	23
CATURTAS SARGAH SUKERTA TATA AGAMA	24
Palet 1 Indik Dewa Yadnya	24
Palet 2 Indik Resi Yadnya	29
Palet 3 Indik Pitra Yadnya	30
Palet 4 Indik Manusa Yadnya	36
Palet 5 Indik Bhuta Yadnya	37
PANCA SARGAH SUKERTA TATA PAWONGAN	39
Pilet 1 Indik Pawiwahan	39
Pilet 2 Indik Nyapian	42
Pilet 3 Indik Sentana	43
Pilet 4 Indik Warisan	46
SATSARGAH WICARA LAN PAMIDANDA	49
Palet 1 Indik Wicara	49
Palet 2 Indik Pamidanda	50
SAPTAMA SARGAH NGUWAH NGUWUHIN AWIG-AWIG	51
ASTHAMA SARGAH SAMAPTA	53
LAMPIRAN	55

MURDHA CITTA

AUM, OM

Om Swastyastu, Om Awighnamastu Nama Sidham

Melarapan panghyaning Ida Sang Hyang Widhi Wasa, asung kertha nugraha ngawenatenang kahuripan sakala niskala ring bhuwana Agung lan Bhuana Alit. Manut dresta Desane wanteh pawakan pasayuban Krama Desa rawuhing kulawarga pawongannya. Desane kamanggehang Bhuwana Agung, pawongannya sowang-sowang pinaka Bhuwana Alit.

Sotaning Bhuwana Agung Desane wanteh pawakan bhawa mahurip jangkep saha Tri Hitta Karanya iuwire :

ha Parhyangan, sahananing khayangan, panyiwian Desa genah ngarcana Ida Hyang Parama wisesa, maka jiwaan Desane.

na Pawongan, krama saha warga Desa maka sami pawakan bayu pramana (Tri Kaya) mawinan Desane sida molah maprawerti.

ca. Palemahan, tanah kakuwuban Desa, sinanggah setula sariraning Desane.

Adung patemon bhuwana kalih, larapan santa Jagadhita, sinanggeh murdhaning prayojana pangriptaaning Awig-awig Desa pakraman ring sabha krama Desa pakraman Tibakaut

Pamutus sabha inucap pinaka sepat siku-siku pamatut, wastu prasida prayojanan mami kabeh prasama inghidep muwah amagahaken kadi lingging Awig-awig iki.

P R A T A M A S A R G A H
A R A N L A N W A W I D A N G A N D E S A

Pawos 1.

- (1) Desa Pakraman puniki mawasta Desa pakraman Tibakauh.
- (2) Jebar kakuwub wawidangannya mewates nyatur :
 - ha. Sisih wetan ring Dwesa pakrama Bayad.
 - na. Sisih kulon ring Desa pakraman Bagawan.
 - ca. Sisih lor ring banjar Karangsuwung, Desa pakraman Bayad.
 - ra. Sisih kidul ring Desa pakraman Bayad.
- (3) Desa puniki kawangun antuk karang ayahan Desa lan karang gunakaya dados siki/tunggil banjar.

DWITYA SARGAH
PATITIS LAN PAMIKUKUH

Pawos 2.

Desa pakraman Tibakauh gamanggehang pamikukuh
minakadi .

ha Pancasila.

na Undang- Undang Dasar 1945.

ca Paswaran Sang Mawangrat nganinin indik Desa
Pakraman.

ra. Tri Hitta Karana manut sada cara Agama Hindu.

Pawos 3.

Luwir patitis Desa Pakraman Tibakauh :

ha Ngukuhang miwah ngrajegang Sang Hyang
Agama.

na. Nginggilan tata prawertine maagama.

ca. Ngrajegang kasukertan Desa saha
pawongannya sakala lawan niskala

4

T R I T Y A S A R G A H
SUKERTA TATA PAKRAMAN.

Palet 1.

Indik Krama.

Pawos 4.

- (1). Sane kabawos krama Desa Inggih punika kulawarga sane maagama hindu saha ngamong karang utawi jenek mapaumahan ring sawidangan Desa, manut pararem.
- (2). Sajaba punika sinanggeh tamyu, sane kabinayang dados kalih inggih punika sane maagama hindu, miwah siwosan ring maagama hindu.
- (3). Indik tamyu punika, manut pararem.

Pawos 5.

Krama Desa wenten 4 (petang) pawos, luwire :

- ha. Krama ngarep, kulawarga sane ngamong karang, utawi manut pararem. :
- na Krama pangempian/ pengele kulawarga sane nenten ngamong karang nanging sampun mawiwaha.
- ca Krama balu, krama sane katinggal seda olih lanang utawi istrinnyane, utawi sangkaning nyapihan, krama balu inucap kabinayang dados :
 1. Balu makrambian, inggih punika balu sane maduwe sentana dereng marabian utawi dereng antes ngayah

2. Balu ngalisting, inggih punika balu sane tanpa sentana.

ra. Krama tapukan kulawarga manut aksara ha utawi na ring ajeng sakewanten durung antes ngayah utawi selami kantun masakolah melarapan ilikita pasitika saking sakolahnya manut pararem.

Pawos 6.

Ngawit Dados krama Desa:

ha. Sangkaning ngamong karang, jenek mapaumahan manut pararem.

na. Mawiwit pawiwahan.

ca. Yaning wenten krama numbas karang ring wawidangan Tibakauh patut tedun makrama Desa pakraman.

Pawos 7.

Panamaya Tedun Makrama Desa :

ha. Nyabran sasih kasanga saha majalaran antuk paigum saderengnya arep ring krama sane ngamong karang ayahan Desa.

na. Krama pengempi/pengele mawiwit tedun makrama saking tilem kasanga (pawiwahan saking daha teruna).

ca. Krama pengempi/ pangele mawiwit tedun makrama saking rahina pawiwahan (pawiwahan saking balu/sapihan).

ra. Jenek mapaumahan, manut pareram.

Pawos 8.

Sahanan krama Desa keni tategenan luwire :

ha. Ayah ngarep, mapiteges urunan miwah ayahan mamungkul.

na. Ayah pangempi, mapiteges urunan saparo saking krama ngarep.

ca. Ayah balu, ayah miwah uranannya manut kahanan balu inucap :

- Ayah balu krama ngarep, ayahnya polih luput awarsa nanging tategenannya mamungkul.

⊕ Ayah balu pangempian/pangele ayahnya lan tategenannya luput.

ra. Ayah tapukan, keni urunan mamungkul, kaluputang ayah-ayahan salami tigang warsa.

⊕ ka. Prade rikalaning ngayah wenten sinalih tunggil krama matilar tanpa sadok sadereng puput karya wenang krama inucap keni pamidanda manut pararem tanjek laler kawastaning.

Pawos 9.

Swadharman krama, sewosan ring tategenan luwire :

ha. Tinut saturut ring sadaging Awig-awig, pararem lan paswaran Desa.

na. Tan maren ngutsahayang mangda Desane mrasidayang nyujur manut patitis.

ca. Tinut saturut ring Guru Wisesa.

Pawos. 10.

Swadarman Tamtyu, luwire :

ha. Tinut saturut ring yasa kertiñ Desane.

- na. Tan piwal ring sadaging Awig-awig, pararem lan paswaran Desane.
- ca. Nyadokang raga ring prajuru arahina sasampune jumenek melarapan antuk ilikita pastika saking Desane utawi sang ngawawenang.
- ra. Yan tan tinut pacang kairid (tan kadadosang jumenek ring Desa).

Pawos 11.

Pilih-olihan krama :

- ha. Polih pasayuban sakala niskala tur kabawosin saha katiwakin pamutus saha wicarannya.
- na. Nyarengin paruman tur wenang sareng mastikayang pamutus.
- ca. Kadadosang madeg prajuru, manut pararem.

Pawos 12.

Krama Desa pakraman kadadosang :

ha. Mapuankid utawi tan tedun.

(1). Rikala mayadnya ngangge suku 4 tur maswara kulkul.

- Rikala sungkan, polih luput tigang rahina salangkung ipun nukuh.

Rikala kaluasan, polih luput apisan salangkung ipun keni pamidanda manut pararem.

(2). Kengin tempo wanteh apisan, sajawaning sampun wenten wak-wakan saking dulun Desa.

na. Nyada, mapiteges ngamademang ayah, risampun nyerahang ayah tur tan dados nyuksukin.

- ca. Nyade, utawi nyuksukin sane kawenangang risampun manggeh yusa 15 warsa utawi mrasidayang nganutin krama.
- ra. Nutug ayah antuk arta brana santukan kapialang;

- Krama ayah ngarep tan dados nutug ayah antuk arta brana, nanging kangkat nyelang pangayah ring wawengkon Desa pakraman manut pararem.
- Krama ayah pangempi kadadosang nutug ayah antuk arta brana, yaning menawi kajudi olih sang mawang rat.

Pawos 13.

Wusan dados krama Desa luwire :

ha. Sangkaning :

- (1) Pinunas ngaraga, manawi kesah kadura Desa utawi ngalangkungin sagara.
- (2) Kanoroyang, duwaning sampun tan prasida ngesehin solah maprawerti satata nguwug pamargin awig-awig.
- (3) Wusan makrama Desa mapiteges taler wusan makrama banjar utawi wusan makrama banjar mapiteges wusan makrama Desa mangda sampunang kasinanggeh empak ngelanting.

na. Sang wusan makrama :

- (1) Patut ngaturang karang ayahan ke Desa, prade karang puniki karang Desa.
- (2) Tan polih pah-pahan saking padruwen Desa.
- (3) Tan polih pasayuban sajeroning ala ayu.
- (4) Sang wusan makrama Desa/banjar prade mawali malih patut nawur saurah arih tategenan krama manut pararem.

ca. Sang wusan sangkaning kanoroyang, prade mawali malih patut :

- (1) Muntasang saluwir pamidanda utawi tategenan sane ngranayang kanoroyang.
- (2) Nunas geng pengampura ring paruman Desa maduluran panyangaskara panyasap kaiwangan duwaning nguwak pasubaya pecak.

Palet 2.

Prajuru lan Dulun Desa (panglingsir)

Pawos 14.

(1) Desa Pakraman Tibakauh kaenter olih Bendesa Pakraman.

(2) Banjar kaenter olih kelihan banjar.

(3) Bendesa lan kelihan banjar patut :

ha Mawiwit sangking krama ngarep/wed kajangkepin antuk

(1) Uning ring aksara latin utawi akasara bali.

(2) Uning ring tata titining mawa Desa.

(3) Uning ring parindikan agama lan adat.

(4) Lascarya ngayah tur madruwe parilaksana sane rahayu.

na Kaadegang malarapan antuk kacatri olih parumanya soang-soang nyabran 5 (lima) warsa sajawaning wenten parindikan tios, tur dados kacatri malih.

ca. Maduluran dewa saksi ring Pura Khayangan Tiga.

Pawos. 15

- (1) Bendesa pakraman kasanggera olih:
 - ha. Patajuh utawi pangliman pinaka wakilnya.
 - na. Panyarikan pinaka juru surat.
 - ca. Patengen utawi juru raksa pinaka pangamong druwen Desa.
 - ra. Kasinoman pinaka Juru arah.
- (2) Kasinoman magilir nyabran ngawarsa, inggih punika kasinoman lanang kalih diri lan kasinoman istri kalih diri.
- (3) Sajeroning ngenterang kasukertan niskala, bendesa mingsinggihang pamangku kayangan Tiga utawi sang maraga sulinggih.

Pawos 16.

- (1) Swadharmaning Bendesa pakraman luwire :
 - ha Ngenterang pemargin sadaging Awig-awig miwah pararem Desa.
 - na. Nuntun tur ngenterang krama rawuhing warga Desa sami ngupadi manut patitis.
 - ca. Mawosin kalih niwakang pamutus arep ring wicara warga Desa.
 - ra Maka duta Desa matemuang bawos ring sapa sira ugi.
- (2) Prade prajuru iwang pelaksana keni pamidanda nikel ring kaiwangan soang-soang krama tur dados kararyanang manut pararem.

Pawos 17.

Patias utawi olih-olihan prajuru/dulun Desa luwire :

- ha. Luput rarampen, nanging keni papeson pangisi.
- na. Polih tandingan tengah.
- ca. Upon pecatu/pelaba carik/tegalan manut pararem.
- ra. Patias sewosan manut pararem.

Pawos 18.

(1) Prajuru/dulun Desa kagentosin riantukan:

- ha. S e d a.
- na. Kanoroyang duwaning iwang pamargi utawi nilai sasana.
- ca. Wit saking pakayun utawi pinunas ngaraga.

(2) Nganoroyang utawi ngentosin prajuru/dulu-dulu Desa patut sajeroning paruman tur kaingkupin olih krama Desa.

Palet 3.

Indik Kulkul.

Pawos 19.

(1) Kulkul ring Dewsa luwire

- ha. Kulkul ring khayangan.
- na. Kulkul Desa.
- ca. Kulkul Banjar.
- ra. Kulkul sekaa-sekaan.

(2) Tabuh tatetakan kulkul ring khayangan Desa:

- ha. Nungtut/silih asih tengeran wenten yadnya/upacara.
- na. Tulud lambat tengeran tedun ngayah.
- ca. Bulus tengeran wenten bhaya.

(3). Tabuh tatepakan kulkul ring soang-soang babanjaran:

ha. B u l u s :

- (1). Atulud bulus tengeran geni bhaya.
- (2). Kalih tulud bulus kapandangan (arta bhaya).
- (3). Tigang tulud bulus tengeran jiwa bhaya.
- (4). Tigang klentungan bulus panjang tengeran lindu, er, lan pawana bhaya.

na. L a m b a t :

- (1). Atulud lambat, tengeran tedun ngayah utawi wenten pakaryan.
- (2). Nungtit silih asih tengeran surya grha, bulan kapangan.

ca. K l e n t u n g a n :

- (1). Pitung klentungan tengeran pawiwahan.
- (2). Tigang klentungan ngempang panjang tengeran ngawangdeang karya.
- (3). Tigang klentungan tengeran pengandeg utawi kelayu sekaran
- (4).....klentungan tengeran rare embas.

Pawos 20.

- (1). Kulukul Desa utawi banjar tan wenang katepak yening tan sangkaning pituduh prajuru Desa/banjar sajawaning tengeran bhaya.
- (2). Sang nepak tan sangkaning pituduh, patut digelis atur supeksa maka buatan panepake, yan tan sapunika kadanda manut pararem.

- (3) Kukul sekaa-sakaa samalihe kukul pondok-pondokan tan kalugra nyawerin (matehin) sukat utawi tengeran kukul Desa/banjar sajawaning tengeran bhaya, prade mamurug taler kadanda manut pararem.

Palet 4.

Indik Paruman.

Pawos 21.

- (1) Paruman/sangkepan ring Desa pakraman Tibakauh wenten:

ha. Paruman Dea/banjar kawentenang:

(1). Nemoning rahina Buda Kliwon, sangkepan Desa Lanang.

(2). Nemoning Buda Umanis, sangkepan Desa Istri.

(3). Nemoning Rahina Saniscara Kliwon (Tumpek) sangkepan Banjar.

(4). Napkala (padgata kala) maka jalaran arah-arah manut tatujon.

na. Sangkepan prajuru/ dulun Desa

kawentenang manut wiguna.

ca. Paruman sekaa-sekaa manut pabuat.

- (2) Paruman Desa utawi banjar madudonan sakadi ring sor :

ha. Prasida lumaksana risampun katedunin olih sang patut ngamiletin kamanggala antuk tengeran kukul miwah mabusana adat madyasah tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widi Widana Cane.

na Maka sarana janggi, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem.

ca. Tan kalugra ngawetuang suara gora utawi byota yan wenten sapunika keni pamidanda kadi dandaning nguman uman ring saba.

ra. Pamutus babawos bryuk sapanggul (ingkup) punika kamanggehang

- (3) Prade pidaging paruman tan kaingkupin mangda prajuru/dulu Desa ngilikang babawos, saha pamutusnya mangda kararemin olih krama Desa, bilih tan prasida kasungkemin jantos ping tiga prajuru/dulu wenang nunas bawos ring sang ngawa wenang.

Pawos 22.

- (1) Sajeroning paruman Desa Bendasa patut nyobyahang pamargin ngenterang Desa, pamekas nganinin indik :

ha. Ngunjuk lungsuring pakraman saha ayah-ayah sulur arta brana druwen Desa.

na. Rarincikan prajuru/dulu nganinin usaha Desa.

- (2) Pamutus paruman Desa sinanggeh pararem maka pamitegep daging Awig-awig.

Pawos 23.

- (1) Sangkepan Prajuru/dulun Desa kawenang wanteh ngarincikang pengerencana usaha Desa kapungkur.
- (2) Sangkepan Prajuru/dulun Desa tan kawenang ngawedalang tategenan ring krama sadereng kaingkupin olih krama Desa ring paruman.
- (3) Pamutus sangkepan Prajuru/dulun Desa ngawetuang pasuara maka pidaging pituduh sang ngawawenang ulawi ngonekang pecak pararem krama Desa.

Palet 5.

Indik Druwen Desa

Pawos 24.

- (1) Padruwen Desa pakraman Tibakauh sakadi ring sor

ha. Khayangan Desa luwire:

- (1) Khayangan Tiga: Pura Desa Santhi, Pura Puseh, Pura Dalem lan praja Pati.
- (2) Pura Catur Bhuwana.
- (3) Pura Dugul Japun.

na. Wantilan Desa

ca. Tanah tegalan manut ilikita.

ra. Karang ayahan Desa, munjuk lungsur saking 43 karang ring ajeng.

ka. Setra setra palemahan makadi setra agung lan setra alit.

da. Palaba Pura, carik/tegal (manut ilikita).

ta. Lelanguan, makadi tatabuhan lan ilen-ilen padruwen Desa/babanjaran luwiri :

- (1). Gong jangkep.
- (2). Ilen-ilen wali pura minakadi rejang, pendet lan baris tumbak.
- (3). Muwah padruwen tiyosan.

sa. Nyasa sasanti.

wa. Lembaga Perkreditan Desa (LPD).

Pawos 25.

Piolihi-olihi Desa pakraman Tibakauh luwiri :

- ha. Piolihi-olihi sakadi palaba Pura.
- na. Urunan krama Desa Pakraman.
- ca. Paica saking Guru Wisesa.
- ra. Paica-paica sane tiyosan sane patut.
- ka. Usaha Desa pakraman minakadi kontrak-kontrakan.

Pawos 26.

- (1). Prajuru/dulun Desa wenang ngetangang pangupon labapura lan sapanunggalan druwen Desa.
- (2). Pikolihi lan pamuponnya kaanggen prabya piodalan saha wewangunan ring pura miwah kaanggen pabuatan Desa pakraman.
- (3). Nyabran pasangkepan Desa, Prajuru/dulun pengamong druwen Desa nguningayang pariindik munjuk lungsuring padruwean ring krama Desa.
- (4). Sakaluwiring druwen Desa patut wenten ilikitannya.
- (5). Tan kalugra ngadol utawi ngesahang padruwean Desa yan tan kasungkemin olih krama Desa ring paruman.

Palet 6

Sukerta Pamitegep.

Kaping 1.

Karang, Tegal lau Carik.

Pawos 27.

- (1) Krama Desa pangamong karang Desa utawi karang guna kaya patut ngawatesin karang inucap, antuk tembok utawi pagehan mangda pakantenannya asri.
- (2) Wates sisi kaler miwah kangin patut kakaryanin olih sang ngamongin karang ayahan inucap, sane mawasta gegaleng keluan sajawaning tanah pacatu, tegal, carik utawi tanah padruwean ngaraga, sane kapiara watese sisi kelod miwah kauh utawi manut diesta reh punika mawasta gegaleng kateben.
- (3) Prade karasayang pagehan/turus inucap ngalikadin, yang pada arsa penyandinge, kengin watese nganggen pinget kewanten, kasaksinin olih prajuru/dulun Desa utawi pracihna pal saking sang ngawawenang.
- (4) Prade wenten karang kebebeng /mbet mangda kautsahayang wenten pamarginnya manut paigum lan pararem.
- (5) Lan kengin :
na Ngentungan luhu, wangken wewalungan kapakarangan/tegal anak lian, kalih kamargine utawi katugade.
na Ngembahang toya wit saking badan wewalungan, kakus, pasiraman, pawaregan, kategal, kacarik, kamargine utawi katukade, miwah sane tiyosan sane ngawinang ambu kawon.

ca Prade wenten sakadi ring ajeng keni pamidanda
manut pararem.

Pawos 28.

(1) Samalih tunggil krama Desa/banjar tan kalugra :

(a) Ngalah-alah margi, tegal ayahan Desa, karang
Desa lan sapanunggalannya.

(b) Ngalah-alah tanah linggih khayangan, tegak
setra, lan sakancan linggih singgeh suci.

(2) Prade wenten sakadi ring ajeng, sang ngalah-alah
wenang kawaliang tanah inucam saha keni
pamidanda manut pararem kadulurin upakara
prade ngalah-alah tanah suci.

Kaping, 2.

P e p a y o n a n .

Pawos 29.

(1) Ngawit nandur pepayon tanem tuwuh patut adapa
apang (2 meter) ngajeroang saking wates prade
jantos ngaliwat wates wenang kasepat gantungin.

(2) Yening wenten latanduran ngungkulin, samaliha
mawastu mayaning kapisaga patut kawara antuk
paigum ping ajeng mangda prasida sang nruwenang
wit ngarebah utawi notor.

(3) Prade sampun kawara taler tan wenten usaha sang
nruwenang wit sang rumaksa katetehan/kajerihin
wenang masadok ring prajuru/dulu tur ri sampun
kapatitas kalugra mademang wit inucap

sakewanten patin pepayonan patut katawur manut pangeloika sane nepasin.

(4) Sang ikeni pamidanda panyangaskara saha prabiya manut pararem arep ring wewangunan sang karubuhin luwire .

ha Sang nruwenang wit sinanggeh mayanin prade pungkut ngarubuhin wewangunan krama tiyosan.

na Sang notor, munggul utawi ngrebah taru ngarubuhin krama tiyos.

(5) Prade wenten wit mentik sajeroning wates patut kapademang mangda tan ngranayang wicara, prade sampun ageng kapademang, wit punira tiga.

- ha Apah tiga katur ring sang nruwenang wit.
- na Apah tiga katur ring sang panyandingnya.
- ca Apah tiga katur ring Desa pakraman.

(6) Krama Desa patut ngamagchang kawerdian tanem towuh sane ngawinang Desa asri.

Kaping 3.

W e w a n g u n a n .

Pawos 30.

(1) Nyabran ngewangun patut :

ha. Masadok ring Dulu! Prajuru ring ajeng prade wewangunan nganini wates.

ca. Ngangge sikut asta bumi miwah gagulak asta kosala kosali, sanista manut patitis ring niskala.

ca. Tan nyayubin kapisaga.

- (2) Prade wewangunan jantos nyayubin bilih-bilih temboke ring telengin wates, risampun kewara tur kasadokang ring prajuru/dulu wewnang kadande manut pararem tur saha tembok inucap kagubar utawi sanistane mande kakaryanin abangan.

Kaping 4

W e w a l u n g a n

Pawos 31.

- (1) Warga desa sane mamiara wewalungan patut sayaga nitenin negul, ngalogor mangda tan ngarusak karang utawi paabyanan krama sewos, bilih-bilih jantos ngaletihin khayangan.
- (2) Prade wenten wawalungan malumbar utawi ngeleb ngarusak pakarangan/paabyanan krama sewos, risampun kawara dados kataban tur kadanda ngawaliyang wit sane ngarusak saha nawur panebas papiaran tetabanan, manut pangeloika prajuru/dulun Dwesa.
- (3) Prade jantoe ngaletihin linggih suci, minakadi Pamrajan, risampun kapariatas olih prajuru/dulu wenang sang nruwenang kadanda mabuhu Agung (caru eka sata, maduluran tebasan prayascita durmanggala), Prade ngaletihin khayangan Desa utawi pura pamaksan, wenang nyaronin antuk panca sata makerep itik belang kalung.
- (4) Krama Desa patut nyanggra wawalungan miwah sarwa prani, tan kapautang ngamademang

paksi, nuba ulam, miwah sane sewosan. Prade wenten malaksana sakadi punika keni pamidanda manut pararem tur kaaturang ring sang ngawewenang.

Kaping 5.

B h a y a

Pawos 32.

- (1) Parti indik bhaya, luwire ; Jiwa bhaya, artha bhaya (kapandangan), dura cara ring agama
- (2) Sang manggihin bhaya, patut nepak kukul bulus mapitulung manut pawos 19 (3) aksara ha.
- (3) Prade ring desa kahanan jiwa bhaya, patut desane ngaturang bhula yadnya. tur sang mayaning katurang ring sang ngawawenang.
- (4) Prade wenten jatma mamisuh utawi nguman-uman jatma tiyos, kakenanin pamidanda, beya pacamil maduluran tebasan payascita.
- (5) Yaning wenten jatma mejenggilan ring bale banjar, ring pura utawi ring genah sane kasinanggeh suci, keni pamidanda manut pararem maduluran panyangaskara prade sang mejenggilan kantos ngamedalang rah.

Pawos 33.

- (1) Sang manggihin kahanan artha bhaya (kamalingan) patut ngukul mapitulung manut ring pawos 19 (3) aksara ha utawi sang kamalingan atur supeksa ring prajuru/dulun Desa sane pacang nimbangin

utawi nandania manut pararem, saha maweweh
panyangaskara prade wenten jatma ngamaling
barang sinanggeh suci.

- (2) Pratingkahe mapailon ring dusta kabawos saruron,
prade wenten jatma manggihin maling tan
nyadokang ring prajuru/dulu jantos jatma tiyos
nyaduang patut kadanda kadi dandaning maling,
sakuweh pangargan wit manut cacakan Banjar, tur
prade jantos ping tiga malaksana asapunika wenang
kasukserah ring sang ngawawenang.
- (3) Prade wenten jatma ngarah raramon, minakadi
daun kalapa ron miwah sane sewosan tan pasadok
ring sang nruwenang wit, prade kacunduk (katara)
patut kadanda kadi dandaning maling.
- (4) Yening wenten jatma ngaranjing kapakubon wiadin
pakarangan jatma tiyos rikala suwung, mawastu
sang madruwe karang kaicalan, wenang jatma
mucap katuwekang antuk madewa saksi ring pura
Bale Agung.
- (5) Mangda tang katuwekang manut sakadi ring ajeng,
asing-asing ngaranjing kapakubon jatma tiyos patut
ha Matengaran suwara (makaukan).
na Nyantos sang nruwenang karang rawuh utawi
masadok ring pangapit pinih tampek, maka
buatan pangranjinge.
ca Pamedal karangnya kadagingin sawen,
maka cihna pangarah rikala suwung.

Kaping 6.

Panyanggran Banjar.

Pawos 34.

Krama desa rikala ngawentenang karya suka duka,
patut kasanggra olih banjar luwire ;

ha Prade ngawangun pitra yadnya utawi

manusa yadnya, manut pinunas sang maydnya.

na Pangrombo utawi karya gotong royong

krama jantos ping tiga, langkungan ring punika

patut katurang pangingu.

ca Pangingu rikala pitra yadnya manut abot

dangan yadnya,prade saking semengan

nyantos wengi katurang pangingu ping kalih.

ra Pangembo tiyosan manut pararem.

24
CATURTAS SARGAH.
SUKERTA TATA AGAMA

Palet 1

Indik Dewa Yadnya.

- (1). Khayangan panyiwian ring sawidangan Desa Pakraman Tibakauh luwire;
 - ha. Khayang Tiga, Pura Desa Santhi, Pura Puseh, Pura Dalem lan Praja Pati.
 - na. Pura Catur Bhuwana.
 - ca. Pura dugul Jipun.
- (2). Rahina piodalan ring sowang-sowang inucap kadi ring sor;
 - ha. Ring khayangan Tiga luwire.
 - 1). Pura Desa Santhi rikala Saniscara Kaliwon uku landep.
 - 2). Pura Puseh rikala Buda Umanis uku Iulungwangi.
 - 3). Pura Dalem rikala Buda Wage uku Warigadyan.
 - 4). Pura Catur Bhuwana rikala Buda Wage uku Manail.
 - 5). Pura Dugul Jipun rikala Upakara Tataduran ring carik.
- (3). Pangaci ring Pura inucap, manut kecap sastra Agama saha kalaksanang Nista, Madya, Utama manut kawentenan lan pararem
- (4). Pangempon sowang - sowang pura inucap manut Dresta kadi ring sor.
 1. Pura Desa Santhi kaempon Olih Desa Pakraman Tibakauh.

2. Pura Puseh kaempon olih Desa Pakraman Tibakauh.
3. Pura Dalem kaempon olih Desa Pakraman Tibakauh.
4. Pura Catur Bhuwana kaempon olih Desa pakraman Tibakauh.
5. Pura Dugul Jepun kaempon olih subak kanca, kembang kuning, Tibakauh.

Pawos 36.

- (1). Ring sowang-sowang pura inucap patut ngadegang Pamangku.
 - ha Nyanjaan utawi masemuang, sowang-sowang mapinunas ring ajeng pura wiadin kadura Desa manawi ring balian kenteng, lan sapanunggilanya.
 - na Turunan utawi waris.
 - ca. Kacatri olih krama Desa.
- (2). Tan kawenang ngadegang pamangku luwire ;
 - ha Cendaga makadi peceng, perot, cungh lan sapanunggilanipun
 - na Sang sapa sira ugi sane tan kapatutang manut pararem
 - ca. Sakit ila, ayan, buduh wiadin edan.
- (3) Sane tan madrebe karacian urip
- (4) Prabia kapamangkuan.
 - ha Adiksa widhi (ngawintenin) Lanang Istri kamedalin saha kalaksanayang olih sang ngadegang, makadi krama Desa utawi pangempon pura sowang-sowang

na. Mapitra Yadnya riwekas lanang Istri
patut kasungkemin olih krama Desa utawi
pangemong,

sanistane brahma prayascita,

panyanggrane manut pararem prade yadnya
inucap kalaksanayang olih sira pamangku.

ca. Sinalih tunggil krama yan
wenten ngipik-ngipik saparipolah pamangku
nanging pamangku tang sapunika paripolahnya
kadi sane kaipik-ipik, wenang jatma inucap
kasisipang nyuciang pamangku, manut pararem.

(5) Pamangku patut ngamanggehang
sesananing pamangku luwire;

ha. Ambek dharma Sadhu.

na. Asewaka Dharma, makadang sastra Utama.

ca. Tan parek ring naya dusta.

ra. Tan Atayub ring tarub camara yuda.

ka. Tan manjing ring umah wong banija karma.

da. Tan manjing umah wong darati krama.

ta. Tan wenang ajajuden.

sa. Tang anginum asing angawe mada.

wa. Tan pati pikul-pikulan.

la. Salah suluh.

ma. Tan wenang anayub upadrawaning
cor, yan mawiyawahara teka wenang adewa
saksi.

ga. Tan griganing wong akuweh.

(ba) Tan kening cuntakaning wong len,
sajawanin kulawargannya tunggil natah, utawi
pasiwannya manut dresta.

(6) Prade mamurug, wenang pamangku
nyepuhin raga kasaksinin olih prajuru desa.

- (7) Yan pacang ngawalat rabi wenang ngaturang rumuhun pawintenna ring pura genahnya madeg pamangku nguni, tembenna wawu wenang ngawalet rabi, ri wus upacarannya wenang ngawana wasa selaminnya atahun, wus punika wawu mawinten lakibi kadi pawitenannya nguni.

Pawos 37.

Swadharman Pamangku luwire ;

ha. Ngenterang upacara piodalan ring khayangan utawi ring sowang-sowang pakubon krama.

na. Prade salah sinunggil pamamngku kapialang utawi cuntaka, kengin nguntap pamangku khayangan Desa tiyosan utawi nuwur sang sulinggih.

(ca) Samaliha yan sampun pamangku ngayah ring pura kancit wenten kulawargannya seda, pamangku inucap tan keni cuntaka sakewanten pamangku tan dados budal salami piodalan.

Pawos 38.

Patias utawi olih-olihan pamangku luwire ;

ha. Panyolongan miwah sarin canang ring sowang-sowang pakubon krama desa.

na. Upon palaba carik miwah tegal manut pararem.

ca. Luput pakaryan, rerampen/teramon nanging keni pangisi.

ra. Patias sewosan manut pararem.

Pawos 39.

(1) Pamangku kagentosin riantukan :

ha. Seda.

na. Puninas ngaraga, sangkaning kageringan lan sapunggalnya.

ca. Kauwusang olih krama sangkaning malaksana tan patut.

- (2). Prade pamangku kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 40.

Kasukertan khayangan sakadi ring rot :

ha. Tan kalugra ngaranjing ka Pura luwire :

- 1) Sang katiben cuntaka makadi sebel ring raga utawi kapademan.
- 2) Makta sahanan barang sinanggeh ngaletihin.
- 3) Sato agung sajawaning rikala mapepada.
- 4) Mabusana sane tan patut kadi tata caring ngranjing ka pura.
- 5) Sadereng polih wak-wakan (pituduh) prajuru/dulun Desa.

na. Pratingkahe tan wenang ring pura :

- 1) Masumpah (cor) sajawaning pituduh prajuru/dulun Desa.
- 2) Wakparusya/wakcapala, makobetan, masasenengan, makolemdados asiki lanang wadon, mabacin, mawarih, macecepin rare, majajal/majengilan, nyangsang busana, menehin pusungan (santukan punika rikala majajahitan patun magelung busung macungor lidinnya).

Ci Sang mamurug kecap ring ajeng keni
pamidanda pramayascita saputnya

Pawos 41.

- (1) Yan wenten jadma karawuhan ring pura, dados kapintonin prade rumasa kasumbangsayang, yan tan wiyakti jatma inucap kasisipang manut pararem.
- (2) Prade khayangan kahanan durmanggala, minakadi keni bhaya pamangku/sang manggihin patut digelis nyadokang ring prajuru/dulu mangda marumang krama desa tur ngawentenang pramayascita sepatutnya.

Palet 2.

Indik Resi Yadnya.

Pawos 42.

- (1) Sang pacang madeg pandita utawi pinandita minakadi balian konteng, kubayan Dalang sakaluwiring sane jagi ngenterang yadnya patut masdok ring prajuru desa utawi Parisada Hindhu Dharma Indonasia.
- (2) Prajuru Desa Patut Ngawas nitening tur wenang ngalangin prade wenten kacihnan nyasar ring kakecap miwah drestane, tur sareng nyaksinin upacarannya saha nyobyahang ring paruman desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapatmadeg miwah ring pangelepas sang sulinggih riwekas katutun olih prajuru/dulun Desa.

Pawos 43.

- (1). Sang sulanggih lan pamangku patut ngariyining muputang ring wawidangan desa pakraman Tibakauh sasmpun punika wawu muputang yadnya kajabar tiyos desa utawi kadura desa.
- (2). Krama Desa sami patut sareng mawas nitenin katuntun olih prajuru/dulu-dulu, mangda sahanan yadnya sane kawentenang kaicen pamuput olih pamangku utawi pinandita manut kawenangannya sowang-sowang.

Palet 3

Indik Pitra Yadnya.

Pawos 44.

Pamargin pitra yadnya madudonan manut makadi rin sor :

ha. Pangupakaran sang kalayu sekaran :

- 1). Antuk mendem makacihna pakingsan ring ibu partiwi salami nuptupang prabiya.
 - 2). Atiwa-tiwa (upakara pengabenan/palebong).
- na Upacara upakara pitra yadnya riwusan kaabenan ngariris munggah daun bingin (ngaroras) manut dudonan atma wedana.

Pawos 45.

Swadarmaning lan tategenan prade wenten sinalih tunggil krama kalayu sekaran:

ha. Sang kadukhitan patut :

- 1). Nyadokang ring klian tur nunas tatimbangan ring kawenangannya.

Swadarmaning lan tategenan prade wenten sinalih
tunggil krama kalayu sekaran:

ha. Sang kadukhitan patut :

- 1). Nyadokang ring klian tur nunas tatimbangan ring
kawenangnyana.
- 2). Ngaturin banjar ngarombo makarya eteh-ete
sawa saha ngater kasetra tur katuran
panyembrama cang sasidan sidaan

na. Swadarmaning banjar :

- 1) Klian banjar maritatas pamargin sang
kadukhitan napike pacang kapendem, makingsan
riyin utawi lantur kaabenang.
- 2). Prade kapendem, raris kaswarayang kulkul
pamitahu manut pawos 19 (3) aksara ca olih
klian banjar utawi wakilnya.

3) Penyanggran banjar salanturanyane :

ha. Sowang-sowang banjar nedunang patus
beras, kelapa miwah manut pararem.

na. Ngarombo ngaryaning eteh - eteh
sawa, kasarengin olih krama ssane rawuh
ngarombo.

ca. Sami krama banjar nganter ke setra jantos
puput pemendemanne.

ca. Tan kengin ngalelet langkungan ring 7
(pitung) rahina, tur patut polih pagebagan manut
paetangan klian patus/banjar manut pararem.

ta. Tan kalugra nginepang bangbang miwah
mendem rikala : semut sadulur, kala gotongan,
pasah, kliwon, kajeng kliwon, soma, Umanis,
Taulu, Was penganten,
tingkel wong, Prawani, Purnama, Tilem, rerainan
ngat

ka Prade wenten kelayu sekarang rikala
 prodalan, kengin mendem tanpa sadok, tan
 nyuwarayang kentungan/kulkul tur mamargi
 wengi/sasiliban.

da Pemargin pemendeman utawi palebon
 mangde nganutin sastra agama lan dresta.

Pawos 46.

1) Sane kasinanggeh kacuntaka sakadi ring sor :

ha Cuntaka antuk kelayu sekaran.

na Cuntaka antuk ngraja swala.

ca Cuntaka antuk ngembasang putra.

ra Cuntaka antuk karuron.

ka Cuntaka antuk sakit ila, buduh

da Cuntaha antuk pawiwahan.

ta Cuntaka antuk gamya gamana

sa Cuntaka antuk salah timpal.

wa Cuntaka antuk yaning wenten anak istri mobot
 nenten kaupakarayang pabyukawonanmiwah
 pawidi widana.

la Cuntaka antuk mamitra ngalang.

ma Cuntaka antuk yaning wenten anak istri
 ngamedalang putra sadurunge maupakara
 pabyukalan miwah pawidiwidana

pa Cuntaka antuk sad tatayi

2) Sengker cuntaka manut kawetenannya

ha Cuntaka kelayusekaran, cuntakannya kaanutang
 ring loka dresta Desa pakraman soang-soang.

na Cuntaka ngraja swala, tigang rahina saking
 ngraja swala utawi selamining ngraja swala.

ca. Cuntaka ngembas putra kaluarganya 3 (tigang) rahina, guru rupakan lanangnya 12 (roras) rahina, guru rupaka lanang istri 3 (tigang) sasih (asambutan).

ra. Cuntaka karuron, cuntakannya 42 (abulan pitung rahina) tur sampun matirta pamerayascitta.

ka. Cuntaha sakit ila, Buduh/edan, cuntakannya manut ilikita pastika saking sang ngawawenang/sang nambaning miwah sampun mrayascita raga.

da. Cuntaka pawiwahan, cuntakannya ngantos sasampune matirta pabiukaonan.

ta. Cuntaka gamya gamana, cuntaka ngantos sasampune pakalasan/kasapihang tur tur sampun kawentenang pamrayascita raga miwah pamrayascita Desa Adat/Khayangan.

sa. Cuntaka salah timpal kapuputang manut ring sastra agama Hindu.

wa. Cuntaka anak istri mobot neten kawentenang upakara pabiukaonan, cuntakannya ngantos kawentenang upakara pabiukaonan.

ia) Cuntaka mamitra ngalang, cuntakannya ngantos kawentenang upakara pabiukaonan.

ma. Ngembasang putra nenten kawentenang upakara pabiukaonan miwah pawidi widanan, cuntakannya ngantos wenten memeras sang putra, lan sampun kawentenang upaka manut ring sastra agama hindu.

ga. Cuntak sad tatayi, cuntakannya ngantos sampun maprascita raga tur nenten pisan dados ngunggahan upacara padwijatian.

3) Cuntaka kelayusekaran/kepademan:

PANCAMA SARGAH
SUKERTA TATA PAWONGAN

Palet 1.

Indik Pawiwahan.

Pawos 52.

- (1) Pawiwahan inggih punika patemon purusa lawan pradana, malarapan panunggalan kayun suka lila kadulurin upasaksi sakala niskala.
- (2) Pamargin pawiwaha luwire :
 - ha. Pepadikan, kamanggala antuk pakrunayan ;
 - na. Ngarorod, marangkat riyin wawu karunayang ;
 - ca. Nyeburin utawi sentana nyeburin
(risampun nganutin upakara pamrasan) .
- (3) Pidabdab sang pacang mawiwaha patut :
 - ha. Sampun manggeh daha – taruna (prasida nganutin Undang-undang) .
 - na. Sangkaning pada lila (tan kapaksa) .
 - ca. Manut kecapa sastra agama (tan gamia gamana)
 - ra. Kasudi wadani prade pangambule tiyos agama, utawi kapati wangi.
- (4) Pamargin pawiwahan mangda taler nganutin Undang-undang perkawainan sakeng sang ngawawenang.

Pawos 53.

- (1) Pawiwahan sane kapatutang ring Desa, sakdi ring sor,
 - ha. Sampun kamargiang pabyakala utawi pasakapan, kasaksiang sakala niskala olih pandita utawi pinandita,

na Wenten pasaksi prajuru/dulu-dulu
sane mapakelingang utawi ngilikitayang
pawiwahan.

ca Sampun mateneran kulkul ;

ra Pawiwahan inucap ring ajeng sampun
kacatetang ring sang ngawawenang.

(2) Parabian sane tan manut kadi kecap ring
ajeng sinanggeh tan patut.

Pawos 54.

Tata caraning parabian patut sakdi ring sor :

ha Sapa sira ugi pacang ngawararangang pakula
warganya patut masadok ring prajuru/dulu-dulu,
salanturnya prajuru/dulu maritatas manut tan
manut pamargin parabianne.

na Pemargin pepadikan manut dudonan :

1) Pakrunayan jantos ping tiga, sowang-
sowang melarapan.

ha Kapartama antuk cang/sedah.

na Kaping kalih antuk canang pangrawosan;

ca Kaping tiga antuk daksana pajati kabawos
pamuput pamadikan.

2) Risampun puput raris sang istri kaajak budal
ring pakubon sang lanang saha kalntur antuk
pabyakala.

3) Mangda puput tumus sakala niskala, raris
kulawarga purusa makta pajati ring pamrajan
wadone.

ca Prade ngarorod/marangkat patut :

1) Reraman lanange ngawetenang
pamilaku/pangenduh antuk dua sakirangnya 2 (
kalih)diri.

2) Pagenahan antene tan kengin ring pakubon
sang lanang sadereng mabyakala.

ra Sajeroning pakrunayan/pangalokuan patut

- 1) Kamanggala antuk geng pengampura arep ring reraman wadone.
- 2) Kaigumang bawos idih pakidih utawi palegayan arep ring pasewakan sang ngidih saha dewasa pakerabkambeyanne riwekas.
- 3) Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin tur risampun sampun sulur pamerasan kategepin kamanggehang sentana nyeburin.
- 4) Prade tan nerima pajati, pakrunayan kamargiang jantos ping tiga.

Ka Pakerab kambeyan mapiteges upacara tinas apadang (puput) mapakuren, duaning manut sakadi ring sor;

- 1) Sajeroning kabawos ambe, kalaksanayang ring sakala niskala masarana jejauman miwah pawidi widana:
 - ha. Jejauman pinaka ngambe / ngadungang kayun soang-soang pakulawangan wadone.
 - na. Widiwidana pinaka pajati niskala nunas wadone ring pamrajannya.
- 2) Sajeroning bawos kerab pemargi ring sakala:
 - ha. Antuk panyaksi krama banjar, dwaning kaparabiang matengeran swaran kulkul;
 - na. Pamekas pasaksi Prajuru/Dulu-dulu sane ngilikitayang.

Palet 2
Indik Nyapian
Pawos 55

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan salah sinunggil seda mapiteges balu, makadi balu lanang/istri
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supekta pailikitan riyin ring sang rumawos wastu tinas apadang pamutuse kabawos nyapian wawu prajuru nyobyahang kawentenanyane ring desa.

Pawos 56

Tata cara Palas Parabian kadi ring sor
 ha Pagunakayan polih pahan pada
 na Babekel, tatadan soang-soang kakuasa niri-niri
 miwah warisan kakuasa olih purusa.
 ca Ngaweruhin miwah ngupajiwain pratisentana
 manut swadarmaning guru rupaka.

Pawos 57

Prade riwekas sang palas kacihnian adung malih, patut
 ha Ngelaksanayang pawiwahan malih.
 na Kadanda, manut pararem.

Pawos 58

- (1) Sang Balu Kabinayang dados:
 ha Balu Luh wit sentana (sentana rajeg) miwah
 balu luh boya sentana.

na Balu muani kaparusa (wit sentana) miwah
balu muani nyeburin (boya sentana).

(2) Swadharmaning Balu inucap patut.

Ha Ngamanggehang Patibrata tan
kengin

ngamargiang paradara/darati krama

na Nguasayang waris pagunakaya, tan
dados ngadol, ngadeang, makidihang, lan
siosan punika, sajaeaning kabebasaning olih
pianak utawi kulawarga pinih tampek sakeng
kurenannyane prade pianak kantun alit-alit.

(3) Swadharmaning Balu inucap patut:

Ca Kengin ngidih sentana prade wenten
piabdab sadurung sinalih tunggil padem saha
kabebasaning olih kulawarga sakeng purusa.

ra Kawenangang mawiwaha malih, prade
wenten kabebasaning manut angka/aksara ring
ajeng.

Pawos 59

Balu kaucap tan pageh sekadi ring sor:

Ha Darati krama utawi paradara ;

Na Matilar sakeng pakubon tan pasadok jantos 6
(enem) sasih.

Ca Lempas ring swadharma sewos-sewosan, tan
prasida ngesehin solah maprawerti arep ring
pituduh sane patut sakeng kulewarga purusa.

Pale 3

Indik Sentana.

Pawos 60.

(1) Sentana wenten kalih pawos, sane kaucap
pratisentana miwah sentana paperasan.

- (2) Pratisentana inggih punika sentana sane metu sakeng pawiwahan kapatut.
- (3) Prade pawiwahan tan kapatut ngawetuang sentana, mangde tang kantun kawastinin babinjat utawi astra patut kamanggala antuk panyanggaskara.
- (4) Prade pawiwahan tan ngawetuan sentana kengin ngidih sentana antuk upasaksi sakala mskala sane kawastinin saniana paperasan
- (5) Sentana rajeg inggih punika, pratisentana dudon (pradana)sane kamanggehang lanang (purusa) tur risampun ngaksanayang pawiwahan kaceburin
- (6) Sane sane dados kaarsayang sentana rajeg mucep wiwit angka (5), inggih punika
 - a) Pratisentana wadon tunggal,
 - b) Sampun kamanggehang dados pratisentana lanang (purusa);
 - c) Kapawiwahang kaceburin kautamayang olih jadma sane maagama hindu utawi jadma sane maagama siosan sane sampun ngalaksayang pamaridusa raga utawi sandiwadani,
 - d) Sane ngamanggehang sentana rajeg patut mapasadok ring Prajuru Banjar, tur 1 Klan Banjar patut nyobyahang ring Banjar saha ngaturang ring Prajuru Desa Pakraman.

Pawos 61.

- (1) Ngangkat sentana manut dudonan patut kacihna aitha brana pamerasan sane kasaksiang sakala mskala.
- (2) Sapa sira uging kizma pacang ngidih sentana patut masadok ring Bendesa sanistanya 3 (tigang)

basih sadereng paperasan. Bendesa ngelanturang pakusa punika ring sang ngawawenang.

- (a) Bendesa, kawakihin olih Klian Banjar nyobyahang ring sawidang desa, sang sapa sira ugi tumata tan lila mangde nyadokang masengker kalih uku (li rahina) sabanen pamerasan ring Bendesa Adat.
- (b) Prajuru/Dulu desa digelis mawosin saha ngicenin pamutus nepek ring catur dresta miwah paratani.
- (c) Prade sulur paparesan tan manut kadi kecap ring ajeng, Prajuru/Dulun Desa wenang ngandeg sang pacang mameras saha ngicenin pamutus mangde kapuputang riyin kabawos, sulur utawi wicatananya.

Pawos 62.

- (1) Paperasan sane kapatut ring Desa risampun maka ulina
 - a. Widi – widana paperasan ;
 - b. Kasaksinin olih Prajuru Desa sane mapakelingang utawi ngilikitayang.
 - c. Kasobyahang ring wawidangan desane.
- (2) Sane kapatut peras angge sentana kadi ring sor;
 - a. Ladma sane maagama hindu.
 - b. Papernahan nedunang sakeng meras.
 - c. Kulawarga sakeng purusa, prade tan wenten kengin sakeng wadon yang taler tan wenten wawu kengin sakama-kama (sakeng kayun)
 - d. Kautamayang sakeng waris pancor kaparusa.
 - e. Sinalih tunggil mawiwit saking kulawarga tunggal sanggah utawi mirajan, paiboa tan dadia utawi ngambil anak tiros sakewanten sang maagama hindu

- (3) Kengin ngangkat sentana langkungan ting adiri,
lanang wiadin wadon, nenten dados kapawiwahang

Palet 4

Indik Warisan

Pawos 63.

- (1) Warisan inggih punika tatamian artha brana saha
ayah-ayah ngupadi kasukertan sakala lan niskala
saking kaluluhurannya erep ting turunnya.
- (2) Kang sinanggeh warisan luwite :
- ha. Duwe tengah, makadi tegal, ayahan Desa,
Khayangan, pusaka siwa parana lan
sapanunggalannya,
 - na. Pamrajan,
 - ca. Pagunakayan, tatadan/jiwa dana, hutang
piutang.
- (3) Wawo kengin kabawos warisan prade wenten .
- ha. Sang mapi turun (pawaris);
 - na. Katurunan (ahli waris);
 - ca. Artha brana miwah tetegenan maka cihna
warisan

Pawos 64.

- (1) Ahli waris luwite .
- ha. Pratisentana purusa ;
 - na. Pratisentana pradana (sentana rajeg) ;
 - ca. Sentana papetasan (lanang/wadon }.
- (2) Prade tan wenten kadi ring ajeng, kang sinanggeh
ahli waris ;
- ha. Turunan purusa pernah ngunggahang rerama
lanang, pekak, selantur rerama misan, mindon;

na Turunan purusa pernah kasamping makdi
kaponakan misan mindon.

Pawos 65.

Swadhirmaning ahli waris patut :

- ha Narima saha nguwasayang tetamian pahan saking kaluhurannya makadi ngarempon sanggah, Pura saha pangupakaranya miwah nyedihin ayah-ayahan pawaris;
- na Ngabenang pawaris saha ngalaturang upacara-upakara pitra.
- ca Nawurin hutang-hutang pawaris sane manut pangeloika.

Pawos 66.

Pangepahan manut sakadi ring sor:

- ha Risampun kalaksanayang pitra yadnya lan hutang-hutang pawaris buntas katawur.
- na Para ahli waris polih pahan pada sangkaning pagunakayan, sajabaning karang/tegal, ayah-ayahan Desa kaamong olih ahli watis kang sinanggeh ktama ngarep
- ca Sinalih tunggil ahli waris kengin tan polih pahan prade
 - 1) Nilar kawitan lan sesananing agama;
 - 2) Alpaka guru rupaka;
 - 3) Sentana rajeg kesah mawiwaha utawi pratisentana nyeburin soang-soang kabawos ninggalin kadaton.
- ca Baya ahli waris kengin muponin hasil manut dudonan luwire

- b) Sentana luh selami dereng kesah mawiwaha utawi tan aipaka guru, miwah prade madrebe piraak tan kaangkenin olih wong tua rare inucap, kengin ngawaris wanteh pikolih paguna kaya sentana luh inucap kemawon.
 - c) Balu luh wiadin muani nyeburin (soang-soang boya sentana);
 - d) Mulih deha utawi teruna, riantukan ring pawiwahane pecak sampun kabawos ninggal kadaton.
- k. Pawaris kengin maweweh rikala maurip pinaka jiwa duna tatadan bekel, maka cihna paweweh tetep ring piraak sane kesah mawiwaha.

Pawos 67.

- a) Prade sajeroning pakulewargan wenten ahli waris tangkungan ring adiri patut:
 - na. Kaqwetenang paigum indik pedum wari inucap;
 - na. Yan ten prasida katunasang tatimbang ring prajuru (kerta Desa);
 - ca. Prade taler ten wenten cumpu ring panepas Kerta Desa kengin katumusang ring sang rumawos
- b) Prade karang inucap kaputungan, patut:
 - na. Sang sinanggeh ahli manut pawos 64 .
 - na. Sang kengin anggen sentana manut pawos 62 angka (2) miwah angka (3);
 - ca. Prade taler tan wenten cumpu ring panepas Kerta Desa, kengin katumusang ring sang rumawos
- c) Prade jantos karang Desa kaepah utawi kasepih, patut soang-soang nedunang makrama Desa marep.

SAT SARGAH
WICARA LAN PAMIDANDA

Palet 1.

Indik Wicara.

Pawos 68.

- (1) Sane wenang mawosin makdi mutusang wicara ring Desa inggih punika Prajuro/Dulun Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor:
 - ha. Kaping ajeng kabawosin olih Kelihan Banjar.
na. Tan cumpu ring panepas Kelihan Banjar, karerehang pamutus ring Paruman Banjar.
 - ca. Prade tan cumpu ring pamutus Banjar, katunasang ring Bendesa Pakraman lan Kerta Desa.
 - ta. Taler tan wenten cumpu ring pamutus Bendesa lan Kerta Desa katunasang Paruman Desa Pakraman.
- (3) Prade sang mawicara tau wenten cumpu ring pamutus Paruman Desa lan Kerta Desa, kengin nunasang wicara inucap ring sang rumawos.

Pawos 69.

- (1) Sahanan wicara mawiwit kacorahan saha luwire sinanggeh nungkasin daging awig-awig prarem miwah paswaran Desa/Banjar, Prajuro/Dulu patut digelis mawosin tan nyantos pasadok.

- (2) Sajaba wicara kadi ring ajeng patut nyantosang pasadok sang nunas bawos.
- (3) Panepas patut pastika nyantenang iwang patut malarapan Tri Pramana (saksi, ilikita, bukti) miwah tang maren nepek ring Catur Desa.

Palet 2.

Indik Pamidanda

Pawos 70.

- (1) Desa/Banjar, wenang niwakang pamidanda warga Desa/Banjar sane sisip.
- (2) Paniwak inucap kalaksanayang olih Bendesa/Kelian Banjar.
- (3) Bacakan pamidanda luwire :
 - ha. Ayahan panukun kasisipan ;
 - na. Danda aita;
 - ca. Kanoroyang;
 - ra. Panyangaskara.
- (4) Pamidanda sane katiwakang patut masor singgih manut ring kasisipang.
- (5) Jinas utawi Raja Brana pamidanda ngranjing dados druwen Desa/Banjar.

Pawos 71.

- (1) Krama sane langkunan ring tigang paruman ngelantur lan nwur urunan miwah dadandan wenang karampag
- (2) Rerampagan ngengge tata cara kadi ting sor ,
 - ha. Kalaksayang olih Prajuru kesarengin olih Krama saakeha tigang diri maka saksi,
 - na. Sang ngarampag sangkaning darsana ngambil barang utawi nyawenin tanem tuwuh,akehnya manui utang sang

karampag, sang karampag mangda lila
nyukserahang barangnya sane dados wala;

ca. Prajuru/Dulu miteketang mangda barang-
barang sane karampag digelis katebus,
masenger awuku (7 rahina) ring kutus rahina
pacang kaadol;

ra. Tan nganinin barang sane patut inggilang manut
agama
miwah tan mademang pangupa jiwa sang karampag.

Pawos 72.

- (1) Prade sang karampag ngarawa (ngalangin)
pelaksanaan inucap mawastu sampun tan nganutin awig-
awig Desa wenang Karang Desa sane kagenahin kadaut
oleh Desane.
- (2) Samaliha yan purun taler ngalangin palaksanaan kadi
ring ajeng tan wenten pamargi jawanin kasepekang oleh
Krama Desane.
- (3) Pamidanda inucap ring ajeng keni buntas risampun sang
kakenenin;
ha Nunas geng pengampura ring Krama Desa riantukan
nguwak pasubaya (pararem) pecak ;
na Nawur pengangan penguwak pasubayan duk pacang
karampag kadulurin pamayascitta penyapsap
kaiwangane ring Desa.

SAPTAMA SARGAH
NGUWAH NGUWUHIN AWIG AWIG

Pawos 73

- (1) Nguwah nguwuhin Awig Awig Desa puniki kalaksanayang ring Paruman Desa.
- (2) Awig Awig puniki kamanggih ngawit kaingkupin (kararemin).

Pawos 74

- (1) Sakaluwirin sane wenten saderengnya patut kaanutang ung sading Awig Awig puniki.
- (2) Sakaluwirin sane durung kabawos sajeroning Awig Awig puniki patut kalaksanayang manut tatacara sane sampun mamargi kadulurin antuk Paratem - Paratem.

ASTHAMA SARGAH
SAMAPTA

Pawos 75

- (1) Awig - Awig puniki kararemin duk Rahina Radite Wage Landep Pananggal Ping 6 (enem) Sasih Kawulu Isaka 1923
Tanggal Masehi 17 Februari 2002, ring Wantilan Desa Pakraman Tibekauh.
- (2) Awig- Awig puniki kalingga tanganin olih Bendesa lan Prajuru Pakraman, kasarengin Kelihan Banjar saha kasaksinin olih Prajuru Dinas pinaka saksi.
- (3) Luwie Sang Ngalingga Tanganin.
ha Kapratama Prajuru Pakraman.



Bendesa Pakraman

BIDUG

2. Penyarikan.

I WAYAN CETUG



Klian Banjar Tibekauh.

KEC.
MATANGAN

KABUPATEN MARTANA, BA

na. Kamang Kalih Prajuru Dinas Pinaka Saksi

1. Kepala Dusun Tingkongan
KEC. PAYANGAN
KABUPATEN KARTANA, BA

2. Kepala Desa
I WY. GDE SUASTIKA, SH

3. Camat Payangan
Drs. I MADE SARI SUDARMA PUTRA

Mengetahui dan telah dicatatkan

Pada tanggal : 14 Oktober 2000
Nomor : 25 Tahun 2000

BUPATI GIANYAR
TJOKORDA GDE BUDI SURYAWAN, SH.

Lampiran

SUSUNAN PANITIA PENYURATAN AWIG-AWIG
DESA ADAT PEKRAMAN TIBEKAUH.

1. Penasehat dan penanggung jawab:


1. Bendesa Pekraman Tibekauh, I Ketut Bidug

()

- Pemangku, - I Nyoman Reden

(.....)

- I Made Bawa

()

- Mangku

Bandem - I Nyoman Sujana

(.....)

- Penyarikan, - I Ketut Mardika

()

- Petengen, - I Wayan Cetug


()

2. Kelian dan Kepala Dusun Pekraman Tibekauh

- I Ketut Kartana

()

- Wakil dan Penyarikan, I Made Sudarma

()

2. Ketua Umum : I Wayan Gerunding.

()


I : Ir. I Nyoman Suweca

()

II : I Nyoman Singid

()

3. Sekretaris : I Made Tenaya, S. Sos.

()

4. Bendahara I : I Made Murjana

(.....)

II : I Ketut Nama

(.....)

()

5. Anggota-anggota

1. I Ketut Sukadana

()

2. I Wayan Subagia

(.....)

3. I Ketut Giri

()

4. I Wayan Sunarta

()

5. I Wayan Budiarta

()

6. I Wayan Darmaja

()

- 7. I Nyoman Cintata
- 8. I Wayan Jujur Lantara
- 9. I Made Sadia
- 10. I Made Kerta
- 11. I Made Suparta
- 12. I Wayan Neka
- 13. I Wayan Lodrantara
- 14. I Nyoman Wedana
- 15. I Made Rudana
- 16. I Wayan Indrayana
- 17. I Ketut Paing
- 18. I Nyoman Suwitra
- 19. I Wayan Saduarta SPd.
- 20. Dra. Ni Wayan Armini

[Handwritten signatures corresponding to the list items]

Tibekauh, 17 Pebruari 2002



Kawan Aman Tibekauh

Ketut Bidug.